

粵海舊聞錄 (續完)

祝秀俠

粵中名勝從化溫泉

從化溫泉為粵中一大名勝，惟在民二十年前尚為一荒煙蔓草之區，雖有溫泉，其地環以坑田，泥沼滿地，無人注意。日常祇供鄉婦作滌衣洗器之用。迨李務滋長縣篆，一日偶下鄉赴青龍頭村，發現有鄉人在泥塘邊洗衣，其水沸騰，冒有煙氣，始知為溫泉區。後載溫水返穗城交頤養院一德醫柯道者化驗證明該溫泉有療治風濕及神經衰弱之效。遂廣為宣揚，始漸有遊客到遊。李縣長復糾合友好陳大年、梁培基、洗玉清等重遊其地，時洗玉清任教嶺南大學，對文獻勝蹟，夙有研求興趣，乃為文「從化溫泉三日遊記」刊諸七十二行商報。港報亦相轉載，從化溫泉遂漸為人所知。

志士任囂墓在廣州

秦時不甘暴政恣虐，在南服拓土稱豪之任囂，其史跡略見趙佗傳中。任囂病革，召南海龍川令趙佗語之曰：「豪傑紛起，中國未知所安，番禺負山險阻，南海東西數千里，可以立國，郡中無可語者，故召公告之。」遂以佗行南海尉。任囂死後，其墓湮沒莫考。番禺縣志載：「任囂墓在法性寺前（今光孝寺）道東四十步，囂廟下。」朝代遞嬗，陵谷變遷，日久無從辨識。迨民國十年時，羊垣拆城關馬路，發現於殘磚斷瓦中，考出墓之所在。經汪兆鏞等考證，為今教育廳公署，遂由冒辟疆為撰碑文立石公署前，時廳長為黃麟書氏，其碑文書者亦黃廳長也。

英雄趙佗墓多疑塚

趙佗，真定人，今河北正定縣。承任囂之雄圖偉業，行南海尉。誅秦所置長吏，聚兵自守，及秦滅，即併桂林、象郡，開府南海，自立為南越武王。漢高帝平定天下，遣陸賈撫佗，冊為南越王。迨孝文帝鎮撫天下，復遣陸賈使南越至廣州以書讓佗，佗恐。回書自稱蠻夷大長老佗，去帝制黃屋建籬，陸賈還報，文帝大悅，至孝景仍

王妃白花田素馨墳

臣服，建元四年卒埋骨何處，莫衷一是。蓋佗多疑冢，實難確定。①一統志云在番禺縣北。注引裴淵廣州記云城北有尉佗墓，墓後有馬鞍岡。②元和志：「番山在縣東南三里，禺山在縣西南一里，尉佗葬於此。」③或云在城北白雲山間之蒲澗。但考尉佗墓，吳時已遭發掘。王氏「交廣春秋」載：「佗之葬也，因山為墓，其壟墜奢大，多積珍玩，吳時遣使發掘其墓。求索棺柩，鑿山破石，費日損力，卒無所獲。」

民國初年，於羊城東郊龜崗掘地出土，郡人譚鏞考證為南越文王冢，是否正墓，殊無定論。

五代南漢劉朝時代，城西三角市地帶，有一營葬宮人墳地，四週遍種素馨花，因名曰花田。或云劉王有侍姬名素馨者，葬於此處，冢上生白花，平田彌望，初不知此花何名，以姬名素馨遂以素馨花名。「廣東新語」云：「南海縣角市（今廣州市第十甫附近三角市）皆種素馨，五代南渡時，宮人皆葬此，至今花香於他處。」惟鈕琇「觚賸」及「南征錄」則云：劉銀美人素馨故里

，在珠江南岸，行六七里為花頭，蓋指其地為河南花埭，究竟素馨墳先有美人埋骨？抑先有花田而成芳塚？莫衷一是，其地所在亦有多說，廣東文獻季刊四卷刊有鄭笑庵先生寫「花田素馨斜」一文。評述素馨墳故事，後有遠居海外馬達加斯加之鄧超時先生復對相傳素馨墳絕蹟混淆不清，有所考證。且附一律云：「城西訪古問花田。踏遍河南亦渺然。三角市頭餘舊蹟。百花渡上滿荒煙。歸魂月白疑聞鶴。遺骨燐青料化鵑。香塚不知何處是。素馨憐也賣年年。」

屈泰士詩心苦詞哀

屈泰士，一字鐵井。翁山之從兄也。年相若。屈家弟兄，白園、鐵井、翁山，同為督學副使。林佳鼎錄充縣諸生。均負文名。邑人咸以屈化子弟為可羨。明末廣州破陷，泰士義不欲生，有捐軀報國之志。及張家玉起東莞，陳子北起南海，陳邦彥起順德，泰士往來諸軍聯絡，謀約為犄角。不幸諸軍相繼敗潰。其兄白園赴梧州擁戴永曆。泰士留家奉母。及重駕西遷，二屈特起一軍援省會，亦以廣州再陷，援師盡降而遜跡西樵，匿跡不出，後聞西寧王李定國統軍攻破高雷廉三府，徵服往從，至則定國已撤兵還黔，無可為，走欽州龍門，與兩郡王太守等合謀大治船樓賡海探珠收積古錢與交趾等市，以充軍需，為恢復崖瓊之計。終以明祚難續，向關回鄉在廣州病劇死年五十六遺詩藏於家，世所罕觀。其詩心苦詞哀，多悲憤抑鬱之作，近從何氏至樂樓輯印其遺詩與另一忠義詞人岑金化合刊一冊先哲遺鑒，賴以傳

久，誠有心人也。

梁節庵參劾李鴻章

梁節庵在光緒初期，以少年翰林參劾植赫一時之李鴻章請清廷立予正法，此舉朝野為之震撼。李慈銘「越漫堂日記」光緒十年五月二十二日記，謂奏摺劾鴻章八可殺之罪，實則梁摺言鴻章可殺之罪為六項。即(一)退縮求和，視君恩如弁髦，棄朝廷如敝屣。其可殺一。保舉洋務人材，植黨營私。其可殺二。各地設機械局，購買鐵甲船，浩費無用。內傷國帑，外賤民膏，其可殺三。奪情起用，為子不孝。既不能戰，又不能守，為臣不忠。其可殺四。久任高官摧折士氣，逞其鬼蜮之術，甘作夷狄之媒。其可殺五。以畏葸為上策，以欺詭為孤忠，此後疆臣欺妄，軍將退避，將何以治之。殺一做百，此正其時，其可殺六。奏上，留中幾罹重譴。為軍機大臣閻敬銘持之而免。後清廷以誣謗大臣，追論劾文忠事。軍機大臣有以不去梁某，無以安大臣之心為言因奉旨交部嚴議，降五級調用。

梁氏不惟劾鴻章，當中俄之役，亦曾聯銜劾出使大臣崇厚，後光緒三十三年，又劾慶親王奕劻通賄。袁世凱權謀植黨私人布滿要津。又曾參毫無劉銘傳其不畏權奸，敢批逆鱗，蓋個性如此。嘗謂臣但有一日之官，即盡一日之言，言盡有淚。淚盡有血云云。文廷式當時與于晦若書言及：星海之事大出意外，而先生處之泰然，推其才分，終不終於淪棄，讀書養氣，然後再出，未為晚也，知是海莫如雲閣，斷語料事果然。張之洞

則傾佩其膽識，後者更深相結納矣。

梁鼎芬的剪辮趣事

辛亥革命成功，清社遂屋。惟滿清遺老尚頂珠長辮，保留清裝。梁鼎芬有梁瘋子之稱，以遺老帝師自命。民國初年仍不剪辮。民二梁氏在漢口經理端方喪事，住旅社。終日戴一風帽護髮。時黎元洪以副總統兼湖北都督。聞人言梁瘋子終日戴風帽，怕人見其辮子，保護甚周，黎曰：他日在都督府邀他過江飲宴，將其辮子剪去可也。既而梁不應邀，返帖不來。革命黨人曹亞伯乃率人過江，往旅社見梁曰：「先生太熱，請去風帽，勿講禮。」梁不應。後至者從後揭其風帽，梁雙手緊掩辮髮，頭觸地板，二人各執其手，一人持剪強去其辮，一剪再剪，終成牛山濯濯，乃呼嘯而去。梁伏地痛號，當夜奔上火車匆匆離去。此一梁瘋子剪辮趣事，見劉成禺「世載堂雜憶」。

番禺鄔慶時好學能文

番禺鄔慶時撰筆記三種，曰「窮忙小記」、「聽雨樓隨筆」、「南村草堂筆記」，或紀鄉黨風俗語言，或述生活雜感，雖隨手筆錄，但不乏可採文獻史料。手稿存國立中央研究院，近台北廣文書局請借影印行世，都為一冊。以廣流傳。鄔氏為番禺南村望族。始祖大昕，為宋廣州僉事，二十一傳至鳴謙門庭光大饒於資好施與。尤篤宗族。營建築歷代祠墓，賑災濟貧。道光二十年間，鄔佐勳以籌禦英夷紅匪亂事出資練團勇，助餉平

賊，海居民衆，賴以安堵，尤爲世所稱頌。大吏陳請獎敘有差。子啓祚以繼述爲事，眼飢興學，諸善皆勉行不倦。啓祚子二，寶理、寶珍。寶珍號道源於光緒十五年考取廕錄，鏡分國史館，年僅三十五卒。慶時即寶珍長子，兩廣方言學堂畢業。事見番禺縣續志及程大璋撰鄭公墓誌。

慶時字伯健，以紈袴子弟而好學能文，民國年間歷任財政部科秘，中山大學講師，其生平莫可詳考。「聽雨樓隨筆」一種，民國十五年間曾發表於廣州七十二商報副刊。聽雨樓者，自云壬戌正月由鄉遷居廣州青雲直街，顏其所居者也。

名士陳蘭甫輓妻聯

鄭慶時聽雨樓隨筆云：東塾先生挽其夫人潘氏聯爲「已到暮年名曰悼亡實偕老。不妨多病，卿今先去我安歸。」按先生元配潘宜人卒於光緒六年庚辰，時先生年七十一。行狀述下聯爲「君今先去我猶留」。「我猶留」較「我安歸」爲切。先生於同治二年十二月納一副室亦潘姓。時先生年五十四。

番禺捕屬之科名

番禺一縣，籍實上有捕屬司屬之分。捕屬均外省落籍番禺之人，或遊宦來粵，或佐僚幕，寄居穗城日久，遂列籍番禺捕屬，蓋便於子弟之應科試入學也。科舉未廢前，科試入學者捕屬常占十之八九，司屬僅十之二三，鄉人得入學者甚難，故獎勵入學者甚至。得青一衿，族中父老皆肅衣冠出村迎接，簪花飲宴，鼓樂前導。備極歡迎。

此後則領雙胙，食學田，稱鄉紳。主鄉事，儼然南面稱王矣。以是多以此自滿，而中學者少，入仕更少。因而番禺一邑文風，皆讓捕屬。近世之胡家汪家，即捕屬之翹楚也。

邱瓊山借書苦讀

海南邱文莊公瓊山，爲一淵博大儒，其「寰宇通志」「大學衍義補」長傳不朽。瓊山先生長於海隅邊僻之區，幼又家貧，能成爲一飽學淵博之士，有賴苦讀。據傳記載七歲喪父，以家貧未能入學從師，祇向人借書自修日夕勤奮。向人求借書籍，往往跋涉數十里。時或爲人所厭，厲色拒借，亦從無怨言。務求委腕到手，其耐心與毅力使人敬佩。十九歲，補邑庠生，二十中舉人，後入國子監讀書六年至三十六歲成進士，入翰林。一天，一班學士在史館集會，有高位官員某訝其生在海嶠，從何得書籍師友？又怎能如此淵博？瓊山在京位列清班雖名噪一時，仍自感學問不足益加奮發苦讀，在京關一室曰槐陰書房，日

夕孜孜，博覽羣籍。後年老休致返鄉，在故鄉建一藏書石室。廣購圖書，培養後學。亦以當年已身求書艱難。爲便利後學而置。

廣東通志館史紀略

吾粵以地處南服，開化較中原地域爲遲，通志自明代始有。肇始於嘉靖十四年奉化戴璟初稿四十卷。三十六年黃佐撰七十卷。萬曆二十九年郭棻纂爲十二卷。至清代康熙十二年劉秉權修爲三十卷康熙三十六年金光祖修三十卷。雍正八年郝玉麟增爲六十四卷。道光二年阮元纂修三百三十四卷阮志體例精嚴，一時推爲各省通志之冠。民國以還，四年各廣東省府設通志館從事修纂，稿未有成，至九年閉館，十六年又重開，中山大學校長許崇清兼任館長，至十九年又中輟。二十二年以館事託中大兼理，其時校長鄒魯兼館長。迄二十六年抗戰軍興翌年穗垣淪陷中大他遷，又館事已完全停頓矣。

三國人物新論

祝秀俠教授著
定價伍拾元

本書爲名教授三國史專家祝秀俠精心傑作，新論三國人物。精采百出，美不勝收。要目有：論諸葛孔明、劉備、曹操、孫吳、董卓、袁紹、關羽、魯肅、顧雍、司馬懿、曹丕與曹植、荀彧、孔融、禰衡、周瑜、田疇、蔣琬、譙周、蔣幹、孫夫人與諸葛太太等篇及論「論諸葛亮」、與蔣君章先生論諸葛培養人才等附錄文稿，篇篇引人入勝，嘆爲觀止。定價台幣伍拾元郵撥1004中外雜誌社帳戶。